













Jh
B
Tha
Bo
Bo
Her
Tha
Fle
Bru
Bot



50

GENEROSISSIMO IUVENI,

**IO. ADOLPHO
DE LÜVECKE,**
FAUTORI ET AMICO SUO
ÆSTUMATISSIMO,

ante discessum

ex hac *Alma Fridericiana*

publice disputanti

ea, qua par est, obseruantia

gratulatur

**IULIVS GOTHOFREDVS
SCHLÛTER,**
WOLFFENBÛTELENSIS.



GENEROSISSIME RESPONDENS,
FAVOR ET AMICE AESTV-
MATISSIME,



Ic tandem academicorum studiorum cursum absoluere, et ad patrios lares reuertere intendis; neque id sine laudis praemio facere cupis, sed ante continuorum laborum catenatarumque vigiliarum *TVARVM* specimen voluisti exhibere, quam abhinc discederes. Monstras itaque, qui *TVI* sint profectus, et quid ab illis praestari possit, qui tempus studiis destinatum non inutilibus excursionibus, sed auscultandis doctissimorum virorum sermonibus celeberrimisque doctrinis impendunt. Postquam enim a teneris vnguiculis iis optime artibus imbutus es, quibus puerilis aetas ad humanitatem informari solet, atque deinde cum ex ephebis excederes, ad altiora adspirans celebrem Sueuorum *Tubingam* visitares, tum publicae tum priuatae iurisprudentiae fundamenta eo *TIBI* ordine explicata sunt, vt eo facilius in *bac Alma Fridericiana* id, quod *TIBI* deesset, supplerere, atque ad exoptatum penitus scopum peruenire posses. Hanc ob rem iamiam memoratis artibus ac scientiis maxime necessarium et oblectationibus plenum historiarum studium adiunxisti, nec quid in iure

re ecclesiastico et feudali singulare occurreret, vni-
quam a *TE* neglectum est. Adfunt multi, qui hac in
re testes mihi esse poterunt omni exceptione maiores,
Verum, *GENEROSISSIME RESPONDENS*,
quid mirum? *TE* singulari plane ordine in omnibus
processisse, vbi alii summa imis miscentes sine plumis
volare, sine pinnis natare audent? *PERILLVSTRIS*
TVVS PARENS inter grauisima sua et innumera
negotia tantus humaniorum litterarum aestimator
est, vt suaue *SIBI*otium exoriri existimet, si prae-
stantissimi Senecae volumina versandi aut acutissimi
Taciti succinctas narrationes euoluendi tempus oc-
casionemque nanciscitur. Hic ergo et *IPSE*, et per alios
exquisite magistros ingenium *TVVM* per mul-
tos annos ita praeparauit, vt ad altiora penetranda
fieres aptissimus. Cumque *TE* patriam relinquere
oporteret, *ERVDITVM BVRCKHARDVM TVVM TIBI*
adiunxit, qui *IPSI* in omnibus se ita probauerat, vt hoc
moderante omne studiorum *TVORVM* curriculum
quam commodissime absolui posse facile iudicaret.

Quicquid *SPLENDIDISSIMA TUA FAMI-*
LIA a *TE* exspectauit, adhuc prospere euenit, nec
villum dubium superest, quin *DEO T.O.M.* adnu-
ente *DIGNISSIMO PATRE DIGNISSIMVS FI-*
LIVS post pauca tempora exsultas.

Hacce ergo, *GENEROSISSIME RESPON-*
DENS, occasione inductus, et *ILLVSTRIBVS TVIS*
PARENTIBVS, et omni *AMPLISSIMAE TVAE*
FAMILIAE, et *TIBI* ex animo gratulari officii mei
esse putavi. Siquidem tanta *EXCELLEN-*
TISSIMI et *OPTIMI TVI PAREN-*
TIS in patriam nostram sunt merita, vt, quic-

(2

quid

quid *ILLI* laetum acceptumque obtingere potest,
suum aequè faciant illi, qui pro oblati ingrati nolunt
esse beneficiis. Ab *ILLO* a viginti et pluribus annis
tanta et tot summi patrocini signa in patrem meum
profecta sunt, ut quocumque tempore ad grates, quas
potest, offerendas se obstrictum sentiat. his ergo
et ego adfectus sum. Eadem inter nos, *GENE-
ROSIS-SIS-SIS* *RESPONDENS*, semper fuit
consuetudo, idemque vinculum. Non solum enim,
cum domi adhuc degeremus, summa semper famili-
aritate et intima amicitia usi sumus; sed et hic loco-
rum *TE* eundem veterem reperi Fautorem, qui sua-
uissima atque optima *TVA* conuersatione me non in-
dignum arbitraris. Pro hac insigni humanitate
et larga beneuolentia *TIBI* me totum trado, et eo, quo
longo tempore me amplexatus es, amore quam di-
utissime pergere velis maximopere rogo. Ceterum,
PERILLVSTRIS et *EXCELLENTISSIMI*
TVI PARENTIS, *GENEROSIS-SIS-SIS* *RESPON-
DENS*, vestigia sequere, *CVIVS* admirabilem in omni-
bus actibus solertiam; exquisitam in consilio prom-
titudinem, in euentibus et casibus prospiciendis sin-
gularem prudentiam atque vigilantiam, in declinandis
cautionem, experientiam, dexteritatemque omnes ad-
mirantur, admirati venerantur. *HVIVS*, inquam, se-
quere vestigia, pietatem atque humanitatem imitare;
salutares *EIVS* praeterea in omnibus ita adhibe admon-
itiones, ut summis cum laudibus honoribusque
DEO, *SERENISSIMO* et *CLEMENTISSI-
MO PATRIAE PATRI*, aliisque auxilium *TVM*
flagitantibus aliquando prodesse queas et inseruire.

Dab. HALAE Venedorum IV. Id. April. a. 1700. CCXY. m. 211

biop



99 4 6999

ULB Halle 3
002 928 477



1007

Rehov
09.2007 Bd.





